

續修廬州府志

卷二十

軍制志

卷二十一

兵事志一

卷二十二

兵事志二

續修廬州府志卷二十

花翎道銜江南安徽廬州府知府清泉黃 雲總修

軍制志

設兵訓練實重江防舊事援引近法昭彰未及驛遞馬政毋忘淮軍營制依類附詳

唐

府兵

唐地理志天下有府共五百六十六計七十五郡淮南六又太宗元年分天下爲十道淮南揚州有府四唐書兵志初府兵之置居無事時畊於野其番上者宿衛京師而已若四方有事則命將以出事解輒罷兵散

續修廬州府志

卷二十

軍制志

一

於府將歸於朝故事不失業而將帥無握兵之重所以防微杜漸絕禍亂之萌也及府法壞而方鎮盛

宋

禁軍

玉海宋嘉祐四年廬置禁軍曰威果

熙甯軍將兵

玉海元豐四年二月乙丑東南諸路兵分十三將淮西二東南兵三千以下唯置軍將

都統兵

玉海乾元元年李互爲都統淮南江東西節度使都統之官始此

乾道民兵

玉海乾道八年十月十二日淮南漕臣馮忠嘉言教閱保甲民兵請如淮東三丁四丁取一五丁六丁取四真州無爲二司分領教閱

山水寨兵

文獻通考紹興三十一年中丞汪微乞存恤淮南山水寨鄉豪各收其用隆興元年臣僚言乞行下都督府專委兩淮守臣各括責山水寨首領姓名保明來上量補官資專一裒集鄉兵俾之團結明立賞格一有緩急入城守禦乾道五年九月辛酉兩淮徐子寅言得旨將本路諸州山水寨民兵應三丁以上選丁赴州教一月從

之淳熙初寅上其數弓手一萬六千九百八十人弩手凡一千四百三十五人明年秋提舉張宗元奏每郡以土豪見任官一員統轄月增給人三十千自十月下旬始州帥教一月淮東五郡用錢十六萬米三萬石淮西倣此

玉海乾道五年九月二十四日詔參議官許子中措置淮西水寨民兵

萬弩手兵

文獻通考紹興八年詔淮西沿江民兵萬弩手農隙教閱有武藝超越人材智勇可以服眾者本司按試具名申省以憑覆試推恩淳熙二年淮南運判張士元言廬

舒和蘄無爲軍五州民兵萬弩手教閱兩月合用錢十六萬一千餘貫乞行科降從之玉海淮南萬弩經營始於紹興季年乾道五年十一月一日復置名曰神勁軍命御前後軍統領教閱置寨於儀真募萬弩手以本軍忠勇使効爲名淮東之籍千四百淮西之籍千六百六年二月眞州置神勁營寨教萬弩手一千五百九十七人

### 壯丁民社

文獻通考乾道四年知楚州劉舜謨言兩淮舊有壯丁民社乞依陝西弓箭手法並免戶下苗田兩頃從之

### 鎮淮軍

續修廬州府志

卷二十

軍制志

三

文獻通考初淮南招募邊民號淮南軍多至十萬錢米月給視効用惟不黥涅久之廩給不足公肆劫掠嘉定初江淮制置邱密恐其生變乃以分隸諸州聽守臣節制續又奏淮西六萬餘人委官揀到二萬六千餘人充御前定武軍額分爲六軍各置統制自是月省錢二十八萬緡米三萬四千石而定武亦成軍伍淮西賴其力居多

玉海建炎十軍元年創置二年二月京畿至淮南募振華軍五百人又建炎二年詔募淮南土人有名籍者爲

### 振華軍

### 忠義民兵

文獻通考諸縣舊有忠義社隨鄉多少屯結推豪右眾畏服者爲長別量置槍杖器甲盜由是息民賴之後官司率騷擾遂失本意今守臣覺察憲司舉職皆從其請開禧用兵淮襄忠義民兵有籍於官者甚眾歲約用百六十緡以養一兵及和議再成始汰遣時帥臣邱密先已汰雄淮軍五六萬何澹繼爲制帥盡放遣廬濠州忠義二萬五百八十六人各分歸業繼而江淮盜起言者皆謂前日放散之卒乃命每郡擇豪首一人授以官兵使之彈壓其後餘黨始皆帖然

射士

玉海建炎元年汪伯彥請增置射士淮南大縣增二百

續修廬州府志

卷二十

軍制志

四

人小縣二百人從之

漢

江淮樓船士 以下水軍

漢書地理志廬江郡有樓船官

補漢兵志江淮以南多樓船士其興發量地遠近廬江有船樓

魏

舟師

魏志黃初三年帝以舟師復征吳自譙循渦入淮蔣濟表言水道難通帝不從時天寒冰舟不得入戰船數千皆滯不得行濟鑿地爲四五道躡船今聚豫作土豚遏

斷湖水又建安十三年諸葛亮曰曹公遺孫權書曰今治水軍八十萬方與將軍會獵於吳十四年曹公引水軍自淮出肥水軍合肥開芍陂稻田

梁

舟師

玉海梁王琳引合肥巢湖之眾舳舻相次而下陳侯瑱率軍進屯檻州

宋

平河軍

玉海至道二年八月江淮發運使楊允恭捕取私鹽賊送闕下上貸之曰此等越逸江湖習性已久固不能工

續修廬州府志

卷二十

軍制志

五

作可團為一軍以備舟楫之用號平河軍

康熙志所紀宋建隆以後禁軍 忠節軍太平興國中

立廬州宣毅軍慶曆中立廬為各一無威果軍嘉祐中立廬州

三 熙甯以後楚軍同

建隆以後廂兵 威邊廬奉化廬無為 揀中騎射廬無為 水

軍廬壯武廬甯順廬熙甯以後淮南路 騎軍威邊

廬揀中騎射廬無為 步軍奉化廬無為 水軍廬無為 壯武廬甯

順廬

建炎以後諸屯駐大軍處 淮西廬州無為軍巢縣

祥符神衛軍

玉海大中祥符六年選江淮習水卒於金明池按試戰

擢立爲虎翼軍置營池側其江浙淮南諸州並今準此  
選卒置營

宋金安節論兩淮利害狀疏奉聖旨楊存中等采訪到  
淮南西路事宜欲廢廬州并管下四縣以附舒州徙和  
州於東關并改和州爲歷陽縣而合肥歷陽二縣并升  
軍額仍各差兵將屯戍臣竊謂朝廷欲并省移易州縣  
之意今侍從臺諫看詳大要不過有三一曰據形勢要  
害以禦寇二曰酌道里遠近以便民三曰減官吏浮費  
以足用今據存中等所申欲廢廬一郡四縣之地以附  
益舒州則是舍形勢而就便陋如備禦何欲舉廬一郡  
四縣之民而共輸帥府則是舍近便而趨險遠如綏撫

何今兩淮經兵火之後城郭室廬焚毀戶口牛畜散亡  
見雖招集猶未復業帥司欲行措置茫若捕風無所用  
力今據移郡置堡勅建官府豈無騷動謂之省費得乎  
卽此三者無一可行然參酌事宜權衡輕重緩急先後  
當有次第今所甚急莫若以戍兵爲守屯田次之修堡  
以控要害又次之蓋州郡無兵則不可守百姓無兵則  
不敢安業如廬之合肥和之濡須皆昔人控扼孔道魏  
明帝嘗云先帝東置合肥南守襄陽西固祁山敵來輒  
破於三城蓋地有所必爭也而孫權濡須塢魏累攻不  
克守將如甘甯等常能以寡制眾蓋形勢之地攻守百  
倍豈有昔人得之可以成功而今日有之反棄不問非

良策也伏望朝廷特於沿江量遣將校及兵一二萬人早爲經畫分戍二州使壘壁相望足爲沿淮一帶聲勢以絕窺伺然後廣開屯田使民兵雜耕仍修築東西關之險以備固守其餘就募弓箭手之屬以次施行無不可者況開濡須巢湖之水上接店埠下抵江口可通漕運則二州之戍兵與就食沿江初無少異而舒卷之間成效相遠欲乞朝廷參酌

宋王萬條沿邊事宜書略長淮千里中間無大山澤爲限擊首尾應正如常山蛇勢有當併兩淮爲一制閩之命是聽兩淮惟濠州居中濠之東爲盱眙爲楚以達鹽城淮流深廣敵騎難度濠之西爲安豐爲光州以達信

陽淮流淺澀敵每揭厲以涉之法當調揚州北軍三千人自淮東擣虛常往來宿毫間使敵無意於東而我併力淮西淮西則又惟合肥居江淮南北之中法當建制置司合肥而以濠梁安豐光州爲臂以黃岡爲肘後緩急之助又必令荆襄每候西兵東來輒尾之使進襄之勢亦立而後大規撫可立以五千人爲屯每屯一將二長一大將一路又合一大將而併合於制置爲總統淮東可精兵三萬光黃可二萬東西夾擊而沿江制司會合肥兵共二萬以牽制其中行則結營陣止則依城壘行則齎乾糧止則就食州縣新復州軍東則海邳所依者水之險西則唐鄧所依者山之險畫此諸地無田不



耕則歸附新軍流落餘民亦有固志又戍司舊分地戍守殿步兵戍眞揚六合鎮江兵戍揚楚盱眙建康馬兵兵戍滁濠定遠都統司兵戍廬和安豐以至池司兵戍舒蘄巢縣江司兵戍蘄黃浮光地勢皆順皆以統制部之出外而皆常有帥臣居內以本軍財賦葺營柵撫士卒備器械以故軍事常整辦遇警急則帥臣親統重兵以行比乃有以建康馬帥而知黃州者都統而知池州者以池司都統而在楚州以鎮江都統而在應天者將不知兵兵不屬將往往以本軍之財資他處之用以致營柵壞而莫修士卒貸而莫給器械鈍而莫鑄宜與盡還舊制

元

至元軍

江南通志至元十二年詔以伯顏阿朮所調河新僉軍三千人還守廬州

沿江要害兵

續文獻通考至元中擇沿江要害所分兵閱習伺察諸盜

明

江防

康熙志萬曆元年操江都御史董堯封奏準以本府同知兼管江防並改無爲州同移駐泥汊一應江洋防禦

增置兵船事宜責令徽甯兵備道督理土橋河巡檢司  
上自石灰河起下至鯉魚口共七十里弓兵三十名哨  
船二隻泥汊河巡檢司上自鯉魚套起下至薛家灣共  
五十里弓兵四十二名哨船二隻奧龍河巡檢司上自  
薛家灣起下至奧龍墩共八十里弓兵四十二名哨船  
二隻無爲州民壯四十八名哨船二隻沿江墩臺一十  
二座每墩夫二名俱屬三巡檢司

### 礦防

康熙志紀潁州兵備道聶廷璧議呈漕撫都御史王宗  
沐奉請特設把總一員駐劄麻埠鎮地方就於州縣城  
守軍兵民壯內挑選二百名往來巡緝勦捕

明楊四知江北設官防寇疏題爲流寇大肆致驚陵寢  
乞添設撫臣厚積兵力以防奔突以固封疆事竊見流  
寇發難以來爲患七年流毒六省養成燎原之勢漫無  
蕩滅之期生靈屠戮慘不忍聞州縣破殘所在皆是白  
骨委山青燐照夜已非一隅之寇矣乃滔天之勢漸溢  
東南震驚之恐直逼鳳郡夫鳳陵寢在焉倘一坏未安  
卽敷天所痛而諸路兵將猶逍遙在道按里計程整飭  
之具云何綢繆之計安在臣雖五年外吏初侍臺班而  
夙憤同讐不自知其愚賤敢呼籲於皇上之前也今議  
秦翼明與楊禦蕃之兵合尤世威之鐵騎援鳳陽矣鄧  
玘會之鎮筓援安慶矣臣以爲此涸鮒已枯尙俟西江

之汲耳何也解倒懸者踵不暇旋拯湯火者刻不能待據守備陵臣風雨驟來一疏云賊已躡六安入鳳界驚我寢廟虔劉我人民此時祖宗在天之靈方撫膺而思翦崇水火塗炭之眾方延頸而望除殘乃賊燄已逾二十日之久征調尚在二千里之外明知膚剝何救眉燃今五省督臣現在河南懇勅移兵就近堵勦仍諭兵部勒限督催務令四面合圍一鼓殄滅庶足翦方張之封豕仰慰無恙之鐘簴也抑臣更有請者賊氛之去來飄忽靡常援兵之奔馳緩急莫濟賊去而兵始來兵來而賊已去雖相須之殷實如相背兵以援救爲名主將旣無汎守之虞士卒益多驕蹇之氣所在郡邑犒勞備至

尙且虎噬民家餉或未充卽一呼眾嘯飽食歌彈誰念法紀況賊每以逸待勞兵反以主爲客客主旣判勞逸相懸縱使兵將協力枕戈猶且勝算難必兼之賊形叵測變幻多端營窟之計已工探穴之功誰奏臣鄉六霍之山接連唐鄧桐皖之山錯互麻黃倘一竄入如虎負嵎卽欲窮搜非力所及以進勦耑委之撫臣則顧此失彼旣難責馬腹如鞭長不得已而檄援他鎮又觀望遷延豈能同呼應於指臂臣愚以爲宜於安廬之間斟酌形勢添設巡撫衙門額定駐守兵將上游道臣駐劄舒六沿淮道臣駐劄泗盱更多方訓練鄉勇人皆可戰隘處設立寨柵地皆可守使賊出掠則無糧可資退遁則

無險可據斯凋殘之甦息有期流寇之蕩平可望矣  
國朝廬州營

順治初年設守備一員千總一員爲道標中軍駐府城  
又守備一員千總一員爲六安營駐六安後裁道標將  
六安守備移駐府城擺塘宿風盤詰七門出入護送銀  
擯囚犯等差

康熙三年奉總督查六營駐廬名實不符改爲廬州營  
其原設額兵五百名汰存二百名康熙十二年前任守  
備李化已因汎廣兵單詳請具題增兵一百名共三百  
名又續奉文裁去四十五名實在營兵二百五十五名  
府城分防係廬州營撥派梁縣鎮目兵三十名吳山廟

汎目兵十五名宗家店目兵十五名西山驛目兵十名  
派河驛目兵十名店埠驛目兵十名護城驛目兵十名  
各州分防係六安營撥派舒城縣把總一員兵一百名  
廬江縣百總一名兵三十名無爲州把總一名兵五十  
名巢縣百總一名兵五十五名

雍正十年將守備改爲都司設把總一員外委一員額  
外外委一員

乾隆三年歸併無爲州巢縣二汎添千總一員外委一  
員馬兵五名戰兵十二名守兵五十名十九年奉文抽  
調守兵六名貼防六安營霍山縣汎茅草畝地方實存  
馬步兵丁三百一十六名馬兵三十三名內隨糧四名

戰兵四十八名內隨糧十二名守兵二百三十五名內  
隨糧五名公糧九名乾隆四十七年增添守兵十九名  
又奉文裁扣各營隨糧添補實兵裁汰隨糧馬兵四名  
戰兵十二名守兵五名公糧守兵九名共三十名遵例  
汰裁乾隆四十八年奉文添補戰兵八名守兵四名  
舊志所紀廬州營定制

都司一員

駐府城內管轄合肥縣汎無爲  
州巢縣汎梁園鎮汎四汎地方

把總一員

駐府城

額外外委一員

在存城  
馬兵內

馬戰兵二十四名

步戰兵三十六名

續修廬州府志

卷二十

軍制志

十一

守兵七十四名

東路至松江遞走公文塘撥守兵九名

北路至壽州遞走公文塘撥守兵八名

安慶收發公文提塘守兵一名

合肥南北二路墩派一十七處

龍塘鋪 三墩鋪 派河鋪 歇馬鋪 坡岡鋪 店

埠鋪 路口鋪 護城鋪 八斗鋪 向道鋪 三河

鎮汎 石梁鎮汎 石香鑪岡汎 以上十三汎每汎守兵五名 吳

山廟汎 宗家店汎 西山驛汎 以上三汎每汎守兵三名

梁縣鎮駐汎外委一員

守兵二十五名

合肥東南二路塘撥守兵一十八名  
府營軍器

旗幟五十四面

馬步弓箭兵一百二十二名穿戴鐵盔甲一百二十二  
頂身 馬步鳥鎗兵一百四十名穿戴鐵盔縣甲一百  
四十頂身 戰守籐牌兵二十二名穿青滾衣二十二  
件 腰刀一百三十二把 鳥鎗一百四十桿 籐牌  
二十二面 牌刀二十二把 號帽二百八十三頂  
號褂二百八十三身 號袍八十八件 鉞斧一百四  
十把 馬鎗五桿 帳房二十頂 鑼二十口 戰箭  
五千三百五十枝 火藥二千四百二十一觔 鉛子

一千二十六觔 火繩八百七十六丈 紅衣大礮三  
位 子母礮一位 礮二位 過山鳥礮二位 號礮  
七位 鍬二十把 鋤二十把 柴斧二十把  
各縣營兵汎地

廬江縣駐防把總一員

隸六安營

舒城縣駐防把總一員

隸六安營

無爲州駐防把總一員

駐州城

馬戰兵二名

步戰兵五名

守兵二十二名

巢縣駐防外委一員

步戰兵三名

守兵三十一名

民壯

合肥縣民壯二十四名

廬江縣民壯十九名

舒城縣民壯二十六名

無為州民壯三十二名

巢縣民壯十四名

廬州營舊隸江南提督嘉慶八年改歸巡撫統轄此據通志所存錄入以備參稽

順治五年設參將康熙三年移駐六安州以六安營守備移駐廬州府屬江蘇狼山鎮舊額守備一員把總一

續修廬州府志

卷二十 軍制志

十四

員馬戰兵二十八江南通志作七名內養廉兵四名步戰兵三

十八名內養廉兵十二名守兵一百九十四名內養廉兵五名公糧兵九名

官坐馬六匹戰馬二十八江南志作七匹雍正三年裁步戰

兵二名五年裁守兵三名七年增設外委把總一員仍

食馬戰兵糧十年改守備為都司僉書增設轄外外委

一員仍食馬戰兵糧乾隆二年本營撥歸壽春鎮統轄

以六安營所轄無為州巢縣二汛撥歸本營管轄添設

千總一員官坐馬二匹外委千總一員仍食馬戰兵糧

馬戰兵五名步戰兵一十二名守兵五十名馬五匹十

八年裁守兵六名四十七年添守兵一十九名武職改

給養廉銀兩裁各官養廉名糧馬戰兵四名步戰兵一

十二名守兵五名馬四匹四十八年裁公糧守兵九名

添步戰兵八名守兵四名嘉慶八年裁守兵三名道光

三年添設額外外委四弁仍食馬戰兵糧今額設按員弁兵

丁內有添設哨官一弁  
裁省馬兵一名未詳

都司一員駐劄廬州府

中軍千總一員駐防無

把總一員駐防合

外委千總一弁協防

外委把總一弁協防合肥

額外外委五弁存營一弁一協防合肥縣三河鎮一協防無為州襄安鎮一協防巢縣柘臯汎

一駐忠廟卡

續修廬州府志

卷二十

軍制志

哨官一弁駐劄河巡河

馬戰兵二十八名內有外委千把總二弁額外步戰兵

四十二名復名十守兵二百三十二名全復官坐馬八匹都司

馬四匹千把總戰馬二十八匹內有外委額歲支養

廉俸薪餉乾等銀五千三百九十六兩九錢九分二釐

內扣解司庫朋銀一百四十九兩五錢二分又廉俸減

平銀四十三兩八錢八分四釐遇閏加餉乾銀三百八

二兩九錢五分九釐有奇兵米一千八十七石二斗

是營防守合肥巢縣無為三州縣地方合肥縣汎地墩堡

汎地墩堡處無為

驛傳



國初廬州府八驛金斗驛隸府護城店埠派河三驛隸合  
肥三溝梅心二驛隸舒城鎮巢高井二驛隸巢乾隆十  
九年金斗驛改隸合肥二十四年裁汰鎮巢高井二驛  
五十五年添設合肥吳山廟驛舒城登雲驛

### 合肥縣

金斗驛康熙十二年設馬八十五匹馬夫六十名傳差  
抄牌等七名十三年增馬五匹馬夫三名十五年裁馬  
三十匹馬夫十名設差夫三十名二十年復馬二十二  
匹馬夫二十二名添設差夫三十名後於題明請將等  
事案內裁減馬二十二匹馬夫二十二名差夫三十名  
雍正十年裁減馬夫二十三名扣留差夫六名十二年

核裁草料等銀歲共八百八十八兩六錢乾隆二十四  
年減馬五匹馬夫三名

今額設馬五十五匹每匹日支銀六分

馬夫三十四名每名日支銀四分

差夫二十四名每名日支銀三分

每年添置槽鑱等銀七十八兩一錢

添僱民夫工價每里每名銀一釐

應付過往員役勘牌差使廩給銀一錢二分口糧銀五  
分

每年買補馬二十二匹

護城驛原設驛丞一員乾隆三十一年裁汰

康熙十二年設馬四十匹馬夫三十三名傳差抄牌等  
六名十三年增含山縣協濟馬二十五匹馬夫一十七  
名又增馬一十七匹馬夫一十二名十五年裁馬二十  
五匹增馬夫三名設差夫三十名二十年復馬二十四  
匹馬夫二十四名添差夫三十名後於題明請將等事  
案内裁減馬二十四匹馬夫二十四名差夫三十名雍  
正十年裁減馬夫二十五名扣留差夫六名十二年核  
減草料等銀歲共六百三十七兩六錢五分乾隆二十  
四年減馬十匹馬夫五名  
今額設馬五十五匹每匹日支銀六分  
馬夫三十五名每名日支銀四分

差夫二十四名每名日支銀三分  
每年添置槽鑱等銀與金斗同  
添僱民夫價銀與金斗同  
應付過往員役勘牌使廩給口糧銀與金斗同  
每年采補馬匹與金斗同  
店埠驛原設驛丞一員乾隆三十一年裁汰  
康熙十二年設馬四十匹馬夫二十八名增利州協濟  
馬四十四匹馬夫二十八名十五年裁馬二十四匹增馬夫  
四名設差夫三十名二十年復馬二十二匹馬夫二十  
二名添設差夫三十名後於題明請將等事案内裁減  
馬二十二匹馬夫二十二名差夫三十名雍正十年裁

減馬夫二十三名扣留差夫六名十二年核減草料等銀歲共五百八十八兩六錢乾隆二十四年減馬五匹馬夫三名

今設額數與金斗同

派河驛原設驛丞一員乾隆三十一年裁汰

康熙十二年設馬四十八匹馬夫三十三名傳差抄牌羽書醫獸共六名十三年增巢縣高井協濟馬二十六匹馬夫一十八名十五年裁馬三十五匹馬夫四名設差夫三十名二十年復馬二十四匹馬夫二十四名設差夫三十名後於題明請將等事案内裁減馬二十四匹馬夫二十四名差夫三十名雍正十年裁減馬夫二

十五名扣留差夫六名十二年核減草料等銀歲共六百三十七兩六錢五分乾隆二十四年減馬十匹馬夫五名

今設額數俱與護城同

廬江縣

原派編徵金斗驛夫馬歲需銀一千六百五十四兩二錢九分一釐本縣走遞夫馬工料銀二百四十七兩二錢歷年奉文裁解康熙十六年定設馬二匹馬夫一名二十年復二分夫馬工料設馬三匹馬夫二名後於題明請將等事案内裁減馬二匹馬夫一名雍正六年全裁

舒城縣

三溝驛原設驛丞一員乾隆三十一年裁汰

康熙十二年設馬四十八匹馬夫三十三名抄牌羽書等六名十三年增全椒縣協濟馬二十二匹馬夫十五名來安縣協濟馬十六匹馬夫八名又增馬十四匹馬夫十名十五年裁馬三十五匹馬夫七名設差夫三十名二十年復馬二十四匹馬夫二十四名添設差夫三十名後於題明請將等事案內裁減馬二十四匹馬夫二十四名差夫三十名雍正十年裁減馬夫二十五名扣留差夫六名十二年核減草料等銀歲共六百三十七兩六錢五分乾隆二十四年減馬十匹馬夫五名

續修廬州府志

卷二十

軍制志

十九

今額設馬四十四匹每匹日支銀六分

馬夫二十九名每名日支銀四分

差夫二十四名每名日支銀三分

每年添置槽鑿等銀七十八兩一錢

每年買補馬二十二匹支銀三百七兩三錢四分

以上舊志

現設馬五十四匹每匹日支草料銀六分歲共支銀一

千一百六十六兩四錢馬夫三十四名每名日支工食

銀四分歲共支銀四百八十九兩六錢差夫二十四名

每名日支工食銀三分歲共支銀二百五十九兩二錢

買補馬價歲共支銀三百一兩七錢五分二釐槽鑿等

項歲共支銀七十六兩六錢八分

採訪冊

梅心驛原設驛丞一員乾隆三十一年裁汰

康熙十二年設馬四十八匹馬夫三十三名傳差抄牌等六名十三年增鎮巢協濟馬二十六匹馬夫十八名又增馬二十六匹馬夫十八名十五年裁馬三十五匹馬夫十名設差夫三十名二十年復馬二十四匹馬夫二十四名添設差夫三十名後於題明請將等案事內裁減馬二十四匹馬夫二十四名差夫三十名雍正十年裁減馬夫二十五名扣留差夫六名十二年核裁草料等銀歲共六百三十七兩六錢五分乾隆二十四年減馬十匹馬夫五名

今設額數與三溝同

以上舊志

現設馬五十四匹每匹日支草料銀六分歲共支銀一千一百六十六兩四錢馬夫三十四名每名日支工食銀四分歲共支銀四百八十九兩六錢差夫二十四名每名日支工食銀三分歲共支銀二百五十九兩二錢置補馬價歲共支銀三百一兩七錢五分二釐槽鑿等項歲共支銀七十六兩六錢八分

採訪冊

添設之令肥吳山廟驛馬三匹舒城登雲驛馬二匹驛

各設馬夫二名

無爲州

原設里馬八匹康熙十五裁馬六匹二十年復馬一匹馬夫一名後於題明請將等事案內裁減馬一匹馬夫

一名雍正六年全裁

### 巢縣

鎮巢驛康熙十二年設馬三十六匹十三年調馬二十  
六匹協濟梅心驛又續調十八匹馬夫十八名協濟梅  
心驛十五年裁馬五匹二十年復馬二匹馬夫一名差  
夫二名後於題明請將等事案內裁減馬二匹馬夫一  
名差夫二名雍正六年裁減馬二匹馬夫一名額設馬  
三匹馬夫二名差夫八名十二年核裁草料等銀歲共  
二十六兩三錢四分乾隆二十四年裁汰  
今現設差夫八名每名日支銀三分

高井驛康熙十二年設馬三十六匹十三年調馬二十

六匹協濟派河驛十五年裁馬五匹二十年復馬二匹  
馬夫一名差夫二名後於題明請將等事案內裁減馬  
二匹馬夫一名差夫二名雍正六年裁減馬二匹馬夫  
一名額設馬三匹馬夫二名差夫八名十二年核減草  
料等銀歲共二十六兩三錢四分乾隆二十四年奉文

### 裁汰

今設差夫額數與鎮巢同

以上  
舊志

### 淮軍營制

附

淮軍之始也於同治元年其營制一準楚勇規模皆以  
五百人爲一營設營官一員每營分立前後左右四哨  
每哨設哨官一員營官有親兵有什長其親兵分六隊

每隊設什長一名率親兵十名伙勇一名計六隊共七十二人哨官有隊長一名有護勇五名其外有什長有正勇有伙勇其正勇一隊分八哨每哨什長一名伙勇一名其抬鎗隊正勇十二名合什長伙食爲十四名其刀矛小鎗隊正勇十名什長伙食爲十二名每哨合哨官哨長護勇爲一百八人四哨共四百三十二人合之營官親兵爲五百四名營官在外其聯伍之制親兵六隊則一隊劈山炮二隊刀矛三隊劈山炮四隊刀矛五隊小鎗六隊刀矛每哨八隊則抬鎗爲第一隊刀矛爲第二隊小鎗爲第三隊刀矛爲第四隊抬鎗爲第五隊刀矛爲第六隊小鎗爲第七隊刀矛爲第八隊總計一

營劈山砲兩隊抬鎗八隊小鎗九隊刀矛十九隊共爲三十八隊其搬運一切猶有長夫每營營官及幫辦人員共用長夫四十八名搬運子藥火繩及一切軍裝等項共用長夫三十名營官親兵隊每劈山砲隊用長夫三名刀矛小鎗隊用長夫二名計六隊用長夫十四名如拔營遠行營官另發公夫幫抬劈山砲哨官哨長及護勇五人共用長夫四名四哨共夫十六名其哨隊每抬鎗隊用長夫三名每刀矛小鎗隊用長夫二名計四哨抬鎗八隊用長夫二十四名刀矛小鎗隊用長夫二名十四名共長夫四十八名總計一營用長夫一百八十八名大率百人用夫三十六名合之營哨官員各勇人等

共六百八十六人是爲正額或十營設統領一員或數十營設統領一員或數營設統領無定制至同治四年北征捻逆於是又添練馬隊營其制則每營營官一員幫辦一員字識一名一營立前後左右中五哨其前後左右四哨各設正哨官一員副哨官一員中哨卽以營官爲正哨官外立副哨官二員每哨馬勇五十名又散勇五棚每十人爲一棚每棚什長一名散勇九名一營共營官一員正哨官四員副哨官六員馬勇二百五十名什長二十五名散勇二百二十五名營官及副哨幫辦字識等共用伙夫二名四哨之正副哨官共用伙夫四名每棚用伙夫一名共二十五棚爲二十五人又一

營長天五十名通計用夫八十一名合之營哨官員幫辦字識各勇人等共五百九十二人其馬數則營官四匹幫辦一匹字識一匹正副哨各二匹什長及馬勇各一匹共爲馬二百七十六匹搬運鍋帳子藥則每哨僱用大車一輛共車五輛其每營百馬之內每營准報倒斃三十六匹如數換領以資彌補此其大較也至若創設鐵廠機器局一切軍械皆仿西洋製造遂改劈山砲隊爲開花砲隊抬鎗小鎗隊爲洋鎗隊從此火器之勝甲於諸軍以此戰勝攻取所向無敵云

淮軍薪水口糧之制凡步隊營官每月給薪水銀五十兩又月給辦公經費銀一百五十兩均不扣建凡營內



幫辦及管賑目軍裝書記醫生日薪糧並製辦旗幟  
號衣各費俱在內哨官以次均以日計哨官每員日給  
銀三錢哨長每名日給銀二錢什長每名日給銀一錢  
六分親兵及護勇每名均日給銀一錢五分正勇每名  
日給銀一錢四分伙勇每名日給銀一錢一分長夫每  
名日給銀一錢一營計營官一員每月支銀二百兩哨  
官每員大建支銀九兩小建月支銀八兩七錢一營四  
員計大建月支銀三十六兩小建月支銀三十四兩八  
錢哨長每名大建月支銀六兩小建月支銀五兩八錢  
一營四名計大建月支銀二十四兩小建月支銀二十  
三兩二錢什長每名大建月支銀四兩八錢小建月支

銀四兩六錢四分一營三十八名計大建月支銀一百  
八十二兩四錢小建月支銀一百七十六兩三錢二分  
營官親兵計六十人哨官護勇每哨五人四營合二十  
人每名大建月支銀四兩五錢小建月支銀四兩三錢  
五分一營共計親兵護勇八十人大建月支銀三百六  
十兩小建月支銀三百四十八兩正勇每營計八十四  
名每名大建月支銀四兩二錢小建月支銀四兩六分  
合營共四哨計三百三十六名大建月支銀一千四百  
十一兩二錢小建月支銀一千三百六十四兩一錢六  
分伙勇每名大建月支銀三兩三錢小建月支銀三兩  
一錢九分一營親兵隊伙勇六名每哨伙勇九名計其

四十二名通計大建月支銀一百三十八兩六錢小建月支銀一百三十三兩九錢八分長夫每名大建月支銀三兩小建月支銀二兩九錢一營統計一百八十名大建月支銀五百四十兩小建月支銀五百二十二兩以上每營統計大建月支銀二千八百九十二兩二錢小建月支銀二千八百零二兩四錢六分其統領之制則除統領自帶一營本營薪水公費夫價照支外又議另外酌加凡統至三千人以上者每月加工費銀一百兩加夫十名統至五千人以上者每月加公費銀二百兩加夫二十名統至萬人以上者每月加公費銀三百兩加夫三十名凡帶千人者每月支銀不准過五千八

百兩凡帶萬人者不准過五萬八千兩凡統百人用長夫不准過三十六名凡統千人者用長夫不准過三百六十名於是軍中無浪費此外凡新立營頭及奉札招勇未經大營點名其勇夫勇丁均有小口糧至大營上憲委員點名後再行起支大口糧其小口糧之制則勇丁勇夫一例每名日給制錢一百文又其勦賊有陣亡受傷者又有卹賞之制其陣亡者每名卹銀五十兩其受傷頭等者每名賞銀十五兩二等者賞銀十兩三等者賞銀五兩成廢者另加其馬隊立營章程凡營官月給薪水並馬乾銀五十兩公費銀一百兩幫辦月給銀十六兩字識銀九兩一營營官一員幫辦一員字識一

員共支銀一百七十五兩正哨官每員月給銀十八兩  
一營計四員共支銀七十二兩副哨官每月給銀十五  
兩一營計副哨官六員共支銀九十兩以上均不扣建  
什長每名日給銀二錢六分大建月支銀七兩八錢小  
建月支銀七兩五錢四分一營什長共二十五名大建  
月支銀一百九十五兩小建月支銀一百八十八兩五  
錢馬勇每名日給銀三錢四分大建月支銀七兩二錢  
小建月支銀六兩九錢六分一營共五哨每哨馬勇五  
十名統一營計二百五十名大建月支銀一千八百兩  
小建月支銀一千七百二十五兩散勇如步隊正勇每  
名日給銀一錢四分大建月支銀四兩二錢小建月支

銀四兩六分一營共散勇二百五十名大建月共支銀  
一千零五十兩小建月共支銀一千零十五兩伙夫如  
伙勇每名日給銀一錢一分大建月支銀三兩三錢小  
建月支銀三兩一錢九分一營共用伙夫三十一名大  
建月共支銀一百零二兩三錢小建月支銀一百零五  
兩二錢七分又每營長夫五十名每名月給銀三兩不  
扣建每月共支銀一百五十兩又每營油燭月給銀二  
十五兩至游擊各處爨費一切需用柴草每營月給銀  
八十兩不准兵勇下鄉砍取樹木此上三項銀均不扣  
建共計馬隊一營大建月支銀三千七百三十九兩三  
錢小建月支銀三千六百二十五兩二錢七分此外獸

醫鐵匠添換旂幟及大小掃把鐵括竹槽出自營官公費若修補鞍上坐褥布屨後鞦轡頭壯帶及拴壯帶寬皮條拴鐙窄皮條哨官兵勇自辦其更換鞍鞵油皮韉皮札鐵嚼全副馬鎗弓箭札草刀草料口袋由軍械所辦給若搬運一切車價或買大車及採辦駱駝等項均由糧臺發價至所給帳棚各營皆有一定之數凡步馬隊營官幫辦書記軍火等共用夾帳棚八架單帳棚二架哨官哨長護勇共用夾帳棚一架單帳棚二架四哨同哨官親兵每隊夾帳棚一架單帳棚一架六隊同正勇每隊單帳棚二架共計步隊一營支領夾帳棚十八架單帳棚八十架馬隊率營官領藍夾帳棚二架白單帳棚一架正副哨官共領藍夾帳棚一架白單帳棚一架幫辦字識領白單帳棚二架馬勇每十人領單帳棚二架此項帳棚皆由糧臺製備淮軍馬步各營約計勇夫五六萬月應支銀三十餘萬兩後因支給不足每年僅放八九月至凱撤始清理云

以上據淮軍平捻記

